

1. Դաշնագիրը կազմող Պետութիւնները՝ Հայաստանի և Վրաստանի Հանրապետութիւնները պարտաւորուած են իրանց մէջ գոյութիւն ունեցող, այլ և ծագելիք հնարաւոր բոլոր վէճերը լուծել համաձայնութեամբ, իսկ եթէ դա չկայանայ՝ պարտադիր իրաւարքի միջոցով:

2. Վաւերացւած սոյն դաշնագրի փոխանակութիւնը կատարելու է Թիֆլիզում երկու շաբաթւայ ընթացքում:

3. Ներկայ դաշնագիրը կազմուած է երկու օրինակ:

Վրաստանի Հանրապետութեան Ներքին Գործերի և Զօրական

Նախարար Ն. ՌԱՄԻՇՎԻԼԻ

Հիմնադիր Ժողովի Փոխ-նախագահ Ս. ՄԴԻՎԱՆԻ

Ստեփան Գրիգորեան ՄԱՄԻԿՈՆԵԱՆ

Հայաստանի Պարլամենտի անդամ Սմբատ Յարութիւնեան

ԽԱԶԱՏՐԵԱՆ

Հայաստանի Հանրապետութեան Պարլամենտը 1919թ. նոյեմբեր 11-ի իր նիստում, լսելով և քննութեան առնելով ներկայ դաշնագիրը՝ միաձայն որոշեց — «Հաստատել սոյն դաշնագիրը, որ կնքել են Թիֆլիզում 1919 թ. նոյեմբեր 3-ին Վրաստանի և Հայաստանի Հանրապետութիւնների Կառավարութիւնները՝ լուծելու Վրաստանի և Հայաստանի մէջ գոյութիւն ունեցող, այլ և հնարաւոր ծագելիք բոլոր վէճերը համաձայնութեամբ, իսկ եթէ այդպիսին չկայանայ — պարտադիր իրաւարքի միջոցով»:

(Հաստատուած է 1919թ. նոյեմբ. 11-ին)

Պետական լեզւի մասին. — 1) Հայաստանի Հանրապետութեան պետական լեզուն հայերէնն է և պարտադիր դօրքի ու բոլոր պետական և հասարակական հաստատութիւնների մէջ: Այլ լեզուների գործածութիւնը պետական ու հասարակական հիմնարկութիւնների մէջ սահմանուած է յատուկ օրէնքով:

2) Պետական և հասարակական հաստատութիւնները պարտաւոր են վեց ամսւայ ընթացքում հայերէնը դարձնել պետական գործավարութեան պաշտօնական լեզու:

(Հաստատուած է 1919թ. դեկտ. 26-ին)

Զինուորների ոռնիկի մասին. — Զինուորների ոռնիկը սոյն թւի հոկտեմբ. 1-ից սահմանել ամսական ներկայ օրէնքին կցւած տախտակի համաձայն: